



REPUBLIKA E KOSOVËS  
REPUBLIKA KOSOVA - REPUBLIC OF KOSOVO

GJYKATA THEMELORE E MITROVICËS  
OSNOVNI SUD U MITROVICU - BASIC COURT OF MITROVICA

C.nr. 109/2016

**GJYKATA THEMELORE NE MITROVICE**, si kontestimore e përberë nga Gjyqtari Individual Naim Mehollı, ne çështjen juridike te paditëses Mitrovica te cilën e përfaqëson Av te cilin e përfaqëson për shkak te kompensimit te ardhurave ne emër te shpërblimit jubilar dhe kompensimin ne emër te pagave përcjellëse për ne pension, pas mbajtjes se seancës kryesore publike, ne prezencë te autorizuarit te paditëses dhe përfaqësuesit te te paditurës, gjykata me dt. 16.01.2017, nxjerr këtë:

#### A K T G J Y K I M

**I. OBLIGOHET** e paditura Komuna e Mitrovicës t'ia paguajnë paditëses ne emër te pagesës se 3 pagave për shpërblim jubilar pas pensionimit për periudhën e punës prej 34 vjeçare si mësimdhënëse te e paditura, shumen prej **1,431. euro**, dhe ne emër te 3 pagave përcjellëse për ne pension, shumen prej **1,431. euro** respektivisht, ne emër te 6 pagave shuma totale prej **2,862 euro (dy mijë e tetëqind e gjashtëdhjetë e dy euro)**, me kamat sipas lartësisë që paguhet për një vit në bankat afariste përmjet e depozituar pa destinim të caktuar, duke filluar nga data e parashtrimit te padisë, dt. 01.03.2016, e gjer nc përbushjen definitive te detyrimit.

**II. OBLIGOHET** e paditura t'ia paguajnë paditëses shpenzimet e procedurës në shumë prej 264 Euro, ndërsa gjykatës ne emër te përpilimit te këtij aktgjykimi t'i paguaj shumen prej 25 euro, të gjitha në afat prej 7 ditësh nga dita e marrjes së aktgjykimit nën kërcënrim të përmbarimit ligjor.

## Arsyjetim

Paditësja, përmes te autorizuarit te saj, ka ushtruar padi për kompensimin e te ardhurave personale pas pensionimit dhe atë ne emër te shpërbllimit jubilar 3 paga dhe ne emër te 3 pagave përcjellëse për ne pension.

Gjykata, me dt. 27.12.2016, ka caktuar seancës për shqyrtim kryesor, ne te cilën ka prezantuar i autorizuari i paditëses Av. Ihe përfaqësuesi ligjor i te paditurës

Ne fjalën përfundimtare, i autorizuari i paditësit, deklaroi: mbetem ne tërësi pranë padisë dhe kërkesëpadisë se ushtruar me shkrim, konsideroj se nga provat e nxjerra ne procedurë ne mënyrë te pa kontestueshme u vërtetua bazushmeria e kërkesëpadisë, andaj gjykatës i propozoi qe te njëjtën ta aprovoi ne tersi te bazuar. Shpenzimet e procedurës i kërkoi.

Ne fjalën përfundimtare përfaqësuesi ligjor i te paditurës deklaroi: E kundërshtoj padinë dhe kërkesëpadinë për arsyen se deri me tanin nuk ka rregullativ te akteve juridike qe e njohin këtë te drejt, pavarësisht ekzistimit te një kontrate kolektive si kontratë e përgjithshme kolektive, për te paditurën baza e se njëjtës do te kishte ekzistuar sikurse ne rastin e saj do te kishte kontratë kolektive sektoriale ose qe nënkuption lamen e arsimit, prandaj duke mbetur ne përgjigje shkresore te Drejtorisë se Arsimit, propozoi gjykatës qe kërkesëpadinë ta refuzoi si te pa bazuar. I njëjti shtoi se nga informacionet qe posedon e paditura ekziston një vendim i zyrës se Kryeministrit përkatësisht i Qeverisë me te cilin vendim ndalohen pagesat e kërkesave sipas kontratës kolektive përvç atyre qe kanë te bëjnë me stazhin e punës.

Gjykata, ne procedurën e leximit te provave, referuar nenit 7 dhe 8, lexi: kërkesa për pagesën e shpërbllimit jubilar dt. 29.01.2016, njoftimi nga e paditura dt. 04.02.2016, vendimi i dt. 13.11.2016 me te cilin konstatohet se paditësja është pensionuar me datën 16.10.2016, vendimi i te paditurës për pushimin e marrëdhënies se punës vërtetimin e lëshuar nga Shkolla fillore e mesme e ulet ne Mitrovicë me nr. protokolli dt. 21.12.2016, pasqyra e llogarise dhe e pagës se bere për paditesen e lëshuar nga Procredit Bankë e lëshuar 27.12.2016 dhe pas shqyrtimit bashkërisht gjitha këtyre provave gjykata konstatoi këtë gjendje:

Nuk është kontestues fakti qe paditësja gene punëtore te e paditura për Arsim dhe ka punuar si mësimdhënëse ne Shkollën fillore e mesme e ulet

Nuk është kontestues fakti se paditësja ka punuar te e paditura pandërprerë qe nga data 14.10.1970 gjer me datën 15.10.2015, respektivisht, periudha kohore e punës pandërprerë e paditëses te e paditura ka qene 45 vite.

Nuk është kontestues fakti se me vendimin paditësja i është shfrytëzues i pensionit kontributiv ne shume prej 140 euro qe nga data e pensionimit.

Nuk është kontestues fakti se lartësia e pagës neto qe paditësja e ka realizuar nga e paditura para pensionimit është shuma mujore prej 473.91 euro.

Gjykata për vendosje sipas pikës 1 te dispozitivit sa i përket pagesës se tri pagave ne emër te shpërbimit jubilar iu referua nenit 36 par 9 nenpar 9.3 dhe 9.4 te Kontratës Kolektive te Arsimit Para universitar te Kosovës me te cilën parashihet se "punëmarrësi I cili për 30 vjet radhazi dhe pandërprerë te përvojës se punës te punëdhënësi I fundit ti njihet e drejta ne shpërblim jubilar ne vlerë-lartësia te tri pagave mujore te tij" ndërsa gjykata me rastin e vendosjes ne emër te kompensimit për pagesën e tri pagave përcjellëse për pension u bazua ne nenin 10 te Kontratës Kolektive te Arsimit Para universitar te Kosovës me te cilën parashihet e drejta e punëmarrësit paditësit me pagesën përcjellëse te tri pagave mujore qe i ka marre ne tre muajt fundit.

Bazuar ne nenin 36 par.9.4 te Kontratës Kolektive te Arsimit Para universitar te Kosovës është detyrim i punëdhënësit te fundit këtu te paditurës qe ti paguaj kompensimin për dy kategori te lartcekura.

Nga shkresat e lendes konstatohet se edhe përkundër kërkësës qe paditësja i ka parashtruar te paditurës për pagesën këtyre kompensimeve e njëjtë nuk ka vepruar sipas obligimit nga nen 36 par 9 nenpar.9.5 i Kontratës Kolektive te Arsimit Para universitar te Kosovës, gjegjësisht ne afat prej një muaji nga data e parashtrimit te kërkësës nga ana e paditëses nuk I ka bere kompensimin e këtyre pagave me arsyen se ne Ligjin e Punës nuk janë parapa kompensime te tilla.

Gjykata kur ka vendosur sipas pikës 1 te dispozitivit sa i përket pagesës se tri pagave ne emër te shpërbimit jubilar, përvëç Kontratës Kolektive te Arsimit Para universitar te Kosovës, iu referua edhe nenit 52 par 1 nenpar 1.3 te Marrëveshjes se përgjithshme kolektive te datës 18.03.2014, me te cilën parashihet se "punëmarrësi i cili për 30 vjet radhazi dhe pandërprerë te përvojës se punës te punëdhënësi i fundit ti njihet e drejta ne shpërblim jubilar ne vlerë-lartësia te tri pagave mujore te tij" ndërsa gjykata me rastin e vendosjes ne emër te kompensimit për pagesën e tri pagave përcjellëse për pension u bazua ne nenin 53 te marrëveshjes kolektive me te cilën parashihet e drejta e punëmarrësit paditësit me pagesën përcjellëse te tri pagave mujore qe i ka marre ne tre muajt fundit.

Gjykata me rastin e vendosjes pati parasysh edhe pretendimet-kundërshtimet e te paditurës e cila pretendon se nuk ka kontratë kolektive sektoriale ne lëmin e arsimit, mirëpo te njëjtë gjykata i refuzoi si te pabazuara për arsyen se nënshkruese e kësaj kontrate është edhe Ministria e Arsimit Shkencës dhe Teknologjisë, kështu që bazuar ne arsyet e mësipërme vendosi si ne dispozitiv te këtij aktgjykimi.

Gjykata, lidhur me përllogaritjen e kamatës, u bazua në nenin 277 par 1 të LMD-se, ndërsa lartësinë e saj e caktoi mbi bazën e lartësisë së kamatës që paguhet në mjetet e afatizuara në bankat afariste për një vit pa destinim të caktuar.

Vendimin që pala e paditur t'i bartë shpenzimet e procedurës kontestimore, gjykata e ka mbështetur në dispozitat ligjore konform nenit 449 dhe 452 të Ligjit për Procedurën Kontestimore. Lartësia e shpenzimeve të aprovuara, i referohet shpenzimeve të përfaqësuesit të autorizuar të paditëses, për 1 seancë të mbajtur, në shumën prej 135 euro, 104 euro ne emër te përpilimit te padis dhe 25 euro ne emër te taksës për padi, ndërsa për shpenzime gjyqësore, u bazua në nenin 10.12, në lidhje me nenin 10.1 të Udhëzimit Administrativ të KGJK-së për Unifikim të Taksave Gjyqësore nr. 2008/2.

Gjykata aktgjykimin e saj e bazoi ne nenin 143 par 1 te LPK-se.

**GJYKATA THEMELORE NE MITROVICE**  
**C.nr.109/16 data 16.01.2017**

**G J Y Q T A R I**  
**Naim Meholli**

**UDHEZIM MBI MJETIN JURIDIK:** Kundër këtij aktgjykimi, lejohet e drejta ne ankesë, ne afat prej 7 ditësh, nga dita e pranimit te këtij aktgjykimi, Gjykatës se Apelit ne Prishtine. Ankesa ushtrohet përmes kësaj Gjykate.

SAKU I KONTESTIMIT  
TAKSUJE OFICIALISHT PËRQIJE

Përfaqësues i gjykatës  
Gjykata Themelore

